

Комсомолонь Вайгяль

ЛИСЕНЬДИ III-це КИЗОСЬ

Мокшэрзянь ВЛКСМ-нь
обкомть и Саранскаень
горкомть газетасна

Адресс: г. Саранск, ул. Ленина 9
телефон № 1—72.

28

ИЮНЬСТА
1936 КИЗОНЯ
68 (314)

Лисеньди ковти 12-коть

Аф юмафтомс фкявок ши

Аф муят Мордовияса тyani тяфта ма веле коса ба афоль уль вjаре вастс кеподьф культурасы и тонафнемасы. Тьожатть од ломатть тонафнихть ВУЗ-са, техникумса, полносредний школаса. Кемотть тьожатть взрослай ломатть — машфнесазь синьценъ сьормас аф содама и сьормас кржа содама шиснон. Эрь колхозникть, аф ваномок сянь лангс, што сон сире али од, ули оцю мялец лувондомс газетат, тонафнемс маркисмань ленинизмнь классикнень, лувондомс художественнай книгат. Книгась арась неотемлемай предметокс эрь колхозникти.

Однако минь республикасонок ниньге лама колхозникта, конат аф содайхть сьормас. Ниньга аф сембе трудяйхне фатяфт сьормас тонафнемаса.

Кой-кона РайОНО-не, комсомолонь райкомтне эсь эрь шинь крикост, шумсост юкснесазь тя оцю политической тевть.

Минь аф кунара газетаса няфнеськ Рузаевкань РайОНО-ть и комсомолонь райкомть, конат сьормас тонафнемань тевть нолдазь самотекс и сянь сюнеда 4874 сьормас аф содай ламанть эзда тонафнестъ 1880 ламанць и нльня нятка тундасть малас лоткасть тонафнемодат. Кода сави тя тевть лангс ваномс, кда аф бездельничествать, конат ломаттьне истеест аф лувондсазъ обязательнонди ВКП(б)-нь ЦК-ть и СССР-нь СНК-ть путфкснон пашкодемандъ.

Эряви азомс, што Рузаевкань руководителхне республикаса аф сьомасот.

Игнатовань районца райисполкомсь и РайОНОсь синьць эсь директивасост сембе велень советненьди и школатьнен приказали тундань видеать саманц сюнеда лоткафтомс сьормас тонафтомат тевть. А тyani кда Игнатовань твердо-ло байхненьди мярьгф одукс ушедомс тонафнемать, то синь ушедсть шуване вайгальняса пешкодома, што тyani тонафнемс аф пингя.

Маень ковста ВКП(б)-нь обкомсь и МНССР-нь ЦИК-сь йотафцть совещание сьормас аф содама и сьормас кржа содама шить машфтоманд колга. Тя совещанияса РИК-нь председателхненьди, ВКП(б)-нь райкомонь секретарьхненьди и РОНО-нь заведующайхненьди ульсь азф, што сьормас аф содама шить машфтоманд ингса тонафнемасы эряви кизонда аф лоткафнемс и сонъ путомс основной задачкас культуно-массовой работаса. Тяда меля ВЛКСМ-нь обкомть бюроц эсь решениясонза обязандазень комсомолонь снмбе организациятьнень, што кярьмодемс оцюфнень тонафтомаснонды. Однако аф ваномок нят указаниятьнень лангс, мянь тнярс тонафнемасы велева атак ушепт.

Кода няеви лама организация мянь тнярс аф йорайхть шарьхкодемс, што сьормас аф содама шить машфтомац арси инь оцю работань участкас вельсоветтнень и комсомольской организациятьнень работаса.



И. В. Сталин М. Горькай ялгатыне (1931 к)

Союзфото

МОРДОВИЯТЬ ТРУДЯЕНЗА ВАНОНДСАЗЪ СТАЛИНСКОЙ КОНСТИТУЦИЯТЬ ПРОЕКТОНЦ

МИНЬ ГОРДОСТЕНЬКЕ

Минь педагогической работникне июнтть 15-це и 16-це шинзон эзда оцю кельгома мархта ламонь крда лувондосък и изучандакшнесък социализмань эпохань величайшай документть — сталинской Конституциять проектонц валонзон, с'рочканзон.

Тя Конституциясь самай демократической сембе Конституциятнень эзда, конатнень содсезень человечествасы. Сравнидакшнемс сонъ аш мезь мархта. Минь Конституцияньке действительа трудяй народонь Конституция, а кда сявомс любовай самай демократической, буржуазнай государствань Конституция, хотя ба Америкать, то тоса Конституциять праванза полафтфт ярмаконь права лангс, тоса [трудяй] ломанть праванза аш.

Минь странанькенъ трудяенза сембе получайхть небывалай кели прават. Нинге вестъ эряви азомс, што оцю честь, оцю гордость тейнек. Но тя гордость, тя честь, тя знамять эряви кирьдемс сяда вjаре минь странанькенъ эрь гражданинонцты. Особай ответственность тя правасы путни минь, Советонь депутаттнень лангс. Прямой, тайнай голосованясь аф кадсыне яцемс Советтненьди ся ломаттьнень, конат афспособнайхть работамс. Трудяйхнень депутатонь Советснон эса аф ули васта кабинетчик ломаттьненьди, конат аныцек и способнайхть ащемс кабинета и аф содамс эсь избирателензон нуждаснон. Од Конституциянь проектсь путни минь лангозонк обязательстват тяникигы цебяргофтомс секциятнень работаснон и сяда малацек ащемс избирательхнень мархта, изучандакшнемс сонъ запроссон Советса. Минь, Саранск ошень советть депутатонза должеттама сявомс эсь

лангозонк конкретной обязательстват, штоба пашкодемс синь СССР-нь Советонь с'ездти, коса ули примаф од Конституциясь.

Мон сявонь обязательства культурнайста обслуживандамс десятилеткань школань стройкаса работайхнень, и тя обязательствать пашкодъса: знакомондасайне рабочайхнень газетатнень мархта, азондасайне теест. А минь сембе педагокне сявоме эсь лангозонк обязательстват эрь ученикти станя азондомс Конституциять статьязон, штоба сон шарьхкопельхце тя документть величиянц, штоба шарьхкопельхце сон. кодама честь аши теенза улемс СССР-нь гражданинкс эста, узярда сон ули совершеннолетнай.

Минь обязанностеньке, именно, воспитандамс од ломаттьнень эса минь родинанькенъ гражданинонъ званиять гордостень тя чувстванц, воспитандамс советской патриотизма, штоба эрь гражданинць лувольхце оцю честекс улемс странать оборонанц передовой отрядсонза — Якстерь армияса, штоба сон лувольхце честекс, кда эрявксты куломс бойса родинать инкса.

Средний школань директорсь
ПИСКЛИГИН.

Велокомандасы сась Саранскай

Июнтть 21-це шистонза 8 частса илять Саранскай сась 11-це № школань велокомандасы, конац якась Ардатовав и сась меки Саранскай. Командаса участникне Гринин (командирсь), Козиков, Герасимов и Ивенин ялгатне. Расстояниясь 300 километрат йотаф 19 частста.

С. С.

Сьормас афсодайхне ашихть атак тонафнек

Ново-Троицкай велеса (Шайговань район) 200-шка сяда сьормас афсодай, да ниньге лама сьормас кржа содайдовок, но сембе сьика синь ашихть атак тонафнек, кивок синь аф йорай тонафнемост.

Тялонданга тевсь ащесь аф тядатцебярста. Ликпунктт, виде, организовандакшнестъ и эрь ульцяти учительхть и ликвидаторхтьа кемекснестъ, а мезе толкоц, кда ликпункту якальхть 3—4 ломатть. А вельсоветса лувондосъ, што сембе сьормас афсодайхне и сьормас кржа содайхне «фатяфт» тонафнемаса, ликпункттнень кивок афи проверякшнезень, а вельсоветсь тя шири мяльга аф шарфни. Тяфта жа комсомольской организацияськя тя тевть эзда ащи ширеса, а сьормас афсодайхне илядкшнихть атак тонафнек.

Аф тядатцебярста ащи тевсь Темяшевасонга и райцентрасонга. Тонафнематьне ликпункттнень эса лоткафтф, сьормас кржа содайхне и сьормас афсодайхне илядкшнихть атак тонафнек.

А. Д.

Монь предложениязе

Седи вакса приветствовандаса од Конституциять проектонц и лувондса эрявиксоньди сувафтомс эзон за кой-кодама добавления. Именна, проектть 77-це статьясонза азфт наркоматт, конат ашихть общесоюзнай народнай комиссариатокс. Ня комиссариаттнень эса апакаст Наркомпроект, Наркомвнуделсь, Наркомфинць.

Тумайкин.



Июнь 14-це шистонза Москва—Волга каналть Перервинский шлюзанц варома сашендсть Сталин, Каганович, Орджоникидзе и Ягода ялгатне. Пяле част синь ванить шлюзть работанц мельге.

Снимкаса: Сталин, Каганович и Ягода ялгатне ванондхть шлюзть эзга паракотть йотаманц мельга. Об'яснения максси участкань начальниксь Кочегаров ялгась.

Мон попнень каршес

Од Конституциянь проектть 52-це статьянь лувомок, мон васьце думандань, што Верховнай Советонь депутатт вообще аш кода таргамс судебнай ответственностьс, хоть сон тись уголовщина али контрреволюция. Оказывается мон проста изень шарьхкодь. Оказывается теусь аныцек тоса, што сонь арестонцты эряви Верховнай Советть али Верховнай Советть президиумонц согласияш. Арестть колга статьясь правильнай. Законть инголе должетт сембе ровнат.

Нингя мон сян инкса ашан, што ба религиянь служительхеньди аф макссеме избирательнай прават, сяс, што синь аф работайхть аныцек дармодничендайхть. Минь страна сонк кажнайсь, аф трудоспособнайда башка, должен трудямс и Советне кочкавихть трудяень депутаттень эзда.

Конституциять проектоц пях цебарь.

Депутат Милаков.

МИНЬ СЕДИ ВАКСКА КЕЛЬКСАСЬК ЭСЬ РОДИНАНЬКЕНЬ

Царской строить ширьде. Россиять угнетеннай национальнменьшинстванза тьяни нинге весть убежландавихть ленинско-сталинской национальной политикать правильностенц мархта эста, мзярда лувсазь СССР-ть од Конституциянь проектонц. Мон, происхождениезе еврейской национальностьста, конац особеннайста царской времаста переживал кошмарнай издевательстват. Мьялфтсайне алязень—атяць азондоманзон Сон азонкшнеше, кода ильня мелкай царской чиновнай шатиясь издевандась еврейхень лангса. Кда чиновниксь, ульцява молемста не хотел урдаскофтомс кямонзон, то кошарезе еврейть кандомс сонь урдазть туркс копорьсонза. И еврейсь каннезе и тьяка лангс жа чиновниксь сонь пикссезе.

Сембе тя тьяни тейнек прошлаень кошмар. Но вов Германияса, Польшаса мезе тиеньдеви еврейхень мархта? А мезе тиеньдихть италя-

нецне абиссиненень мархта, американецне негратнень мархта?

Ня национальносттеньди тьянемс лядкшни кошмаркс великодержавнай нациятнень гнетсна. Сембе странава шуди вер и марявихть угнетеннай национальносттень куфцемасна и сембе синь оцю кельгома мархта, оцю напиямаса ваныхть СССР-ть лангс, кода эсь настоящей родинасон лангс.

Вов сяс СССР-сь—сядинголе угнетеннай тьяниень возрожденнай народтнень родинасна, СССР са по настоящему ломанць—тя кайги гордайтась—сяс минь и кельксаськ эсь странанькеня и аноктама эсь вяронькеня каплянь пес шудефтемс врагтнень эзда сонь границанзон арелямасон инкса.

МИЛЬНЕР.

Якстерьармеецсь трудяйхнень советснонды желательнай депутат

Мон куватьс и цебарьста ванондыне од Конституциять проектонц и должен азомс видеть, мезевок изень му стама, мезеба улель тя проекта лишнай и мезевок ба сонь эсонза афсатни. Мон лувондса проектть социалистической документонь классической образецкс. Кажнай якстерьармеецсь, лувондомок проектть строчканзон, маряй оцю гордость сян эса, што теенза ввереннай ванфтомс минь цветущай родинаньке. Якстерьармеецне лувондомок 138 статьять сян колга, што граждатне, конат ащихть Якстерь армиять рядонзон эса, улихть правасна кочкамс и улемс кочкафокс, цебарьста содасы, што минь вакссонк ащи любой соседнай государстваса тьяфтама прават „родинань“ ареляйхненьди апак макст, сяс мес буржуазиясь пели эсь солдатонзон эзда. Минь жа странасонк якстерьармеецсь самай желательнай депутат трудяйхнень Советснонды. Эхарь якстерьармеец—депутат лемсь тиеньди оцю восторг кочкайхненьди. Минь тьянь содасаськ и минь, тьянь ценим.

Мзярда монь ротасон боецне лувозь проектть 118 статьянь эрь трудяйть трудти гарантированной праванзон колга, то ламосон тьянь мархта ляденьць мялезост кода синь алясна бывала якасть ялга сядот километрат, штоба мумс работа, а мзярда пачкочность тоза работа исть мушенда и вачеда синь юмафнезь человеческой достоинствасон, энялыкшность, анисть сускомнят.

Однако, аш кода мярьгомс, што од Конституциянь проектть значения, сонь эрь строчканц глубокай смыслац азондф кели массатненьди. Кальдявста нинге азондф, сидеста можна марямс Саранскаяса, кода 4—5 ломаньшта группась толковандайхть фкя-фкяньди проектть статьязон и кажнайсь толкавай эсь лацонза. Тя сяс, што грамотнай пропагандистне нинге исть пачкодь гражданонь кели массать йоткс.

Комроты Чернецкий.

МИНЬ СТРАНАНЬ СТИРЬНЯТЬ МОРАЦ

Страшна лувомс сян колга, кода Японияса крестьятне мишеньдсаз эсь стирьсон скупщикненьди. Седицень мархта марясак тярать горянц и стирьнять горянц. А разве алясь зверьда хужа? Разве мзярда сон мишеньдсаз эсь стирени аф ужаль теенза сон? Ужаль, пях ужаль теенза, но мезе сон кармай тиеньдема, кда и стирьнятинге аш мезда ярхцамс кудса и алять лияды семьянцтинге аш мезда ярхцамс.

Но нинге сядонга страшна няемс журналонь лопаширеньди эса омба масторонь стирьнятынень фотграфияснон, архфрт трвасна, нюржкяня юбкасот. Ащихть нят стирьнятынень электричестваса валдопф козя рестораноень кенкшнень ваксса и мишеньдсаз эсь пряснон васеньде йотайти, сянди, кие сяссы. Мишеньдсаз эсь пряснон фкя-фкянь йотазь. Страшна тя няемс и страшна тьянь колга лувомс. Сядонга страшна тьянь колга няемс и лувомс сяс, што васеньде случаяста Японияса тяратне-алятынень мишеньдсаз стирьсон, а омбоце случаяста, коса-коса Польшаса или Германияса сон, паньчфокс ащи стирьнясь, конац арьсесь светлай, чистой кельгомань колга, моли соньць и мишеньцы эсь

прянц ярмак лангс кодама-кодама куя мерзавеценьди.

Седице маряй, мзярда лятфта-сайт нят стирьнятынень, трудонь коряс сестраньконь, Германиянь, Польшань, Американь и лия-капиталистической странань рабочейхнень идьснон, коса аш равноправия авать и алять йоткса, коса безработицась эсь пакарю кядензон мархта фатязень кргада нят стирьнятынень аляснон и братснон и теест кельгови ломаньснон—женыхснон. Тьяни шарьхкодеви, што нят стирьнятынень аф распутицат, и синь эсь любовьснон мишеньцаз ярмак лангс сяс, мес теест аш мезь лангс эрямс, а теест хочетс эрямс. Синь улельхть ба цебарь авакс, цебарь тярякс, но синь не могут тьяфта улемс сяс, мес эрйхть капиталистической стройса, люпштафт капиталть мархта.

А разве аф тьяфтажа ульсь и минь странасонконга революциять самс? Монь паваззе, што тейне изь сав эрямс тьяфтама кошмаронь пиньгста, мон аф мьялфтсайне сят шитьнень, сяс мес мон равесничан Октябрьской революцияти. Но мон мьялфтсайне тярязень и лия сире аватьнень азонкшненьснон. И мон кеман нят азондоматненьди сяс,

мес синь видит. Кулхондомок нят азондоматнень, мон кизефнень эсь эсон?

— „А мезе улель ба тонь мархот, Варя, кда аф советской властьюсь? Мон ламос арьсень мумс тьяньди цебарь ответ, арьсень, што мон цебарян, лисян урьвакс козяньди и карман эрямс козяста. Но тя ответсь аф ламос ащекшнень пряснон. Мон аф мьялфтса мзярда ульсь алязень алашац и мзярда ба сон работаль эсь лангонзонза, а аф ломаненьди, сяс мес сон сембе пиньгть работсесь ломанень кядьса. И кода ба монь, ашуть, сяволемань урьвакс козясь? Аф, монь диня кись ульсь ашушиста ашути, сразу ломаненьди работама батрачкакс.

Вов тьяфтама безрадостнай картина арсесь монь инголен, кда ба аф советской властьюсь, кда ба аф коллективизациясь. Мон нят стака арьсемада меле марьсине прязень кода пях аф цебарь ононь няемда меле и валса аф азови, конашкава цебарь тейне, мзярда мон маряса кядьсон тракторть руленц тароманц, мзярда кулхондса победнай мороть, конань морасы тейне монь тракторозень мотороц. Кодама счастья улемс свободнайкс, независимайкс, мзярда улихть праватьне тонафнемс и работамс ровнайста

сембень мархта! Кодама валса аз-сак эсь стирень кельгома, тярянь благодарностть минь коммунистической партияньконьди, минь кельгома ялганьконьди и учительньконьди родной Сталинтти сян инкса, што улихть праватьне работамс и тонафнемс? Аш стама валхт, конатнень мархта можнать ба азомс кельгома и благодарностть сембе виенц минь тяряньконьди коммунистической партияти!

Мон пользовандан нят праватьнень мархта, конат максфт авати минь странаньконь Конституциянь мархта. Мон работан аф аныцек ровнайста алятынень мархта, но получандакшнян работань питнеда нинге сядо лама сяс, мес макссян сядо лама трудонь продукцияда. Минь Пермеева велесонк аш фкя-вок аля, конац ба тиейл сняда трудашит, мзяра мон тиень тяддень тундасть сяс, мес мон тонафнень, сяс мес мон машган управлять тракторть мархта. Мон кой-кона шитьнень эзда тиенькшнень 15 ень трудашит. Кие алятынень эзда мог тыяронь тиеньдемс? Но мон тага весть корхтан, што мон нятынень сатнине сяс, мес мон работнень цебарьста и честнайста. Мзярда мон изине содсе тракторть, мон работсень кочкомаса и получахнень шити 70-90 сотайхть трудашит эзда.



Мокшэрзянь муздрамтехникумса рузонь кяльть коряс зачетнай испытанияне

Стахановецне тонафнихть

Саранскаень предприятиянь эзда стахановецне тонафнихть повышенной типонь школаса. Кепетксонди, котониннай фабрикаста: Половникова загрузчицась, Плoduхина чесальщицась и лияне. Сембец котониннай фабрикаста як-йхть повышенной типонь школав 20 ломатть. Стахановецне лаомсна тонафнихть „отлично“ и „хорошо“ отметка мархта.

Бабина.

ШАЙГОВАНЬ ОЛИМПИАДАСА

Июнтть 23-це шистонза Шайговань районста полнай средняй и афполнай средняй школатненъ эзда ученикне кармасть сама районнай центрав. Цебярь мяльса, весяла настроеняса, праздничнайста наряджафта ученикне пуромихть эсь праздничност—районнай художественно-самодетельнай олимпиадава.

Шайговань районнай клубсь наряджафт праздничнайста. Стенатненъ эзга и вальмятненъ эзгавок пу-нефт пиже шуфтонят. Стенатненъ эзга петфнефт лозунгт.

Пиньгсь нежедекшни 3 часити. Клубу сувсихть олимпиаданъ участ-никне, преподавательхть школат-ненъ эзда, районнай организацият-ненъ эзда представительхть. Пуром-кшнихть олимпиадась ваномаслу-жащайхне, шайгавонь одломатъне и ст. тов.

Районнай образсваниянь отделть заведующаец Маскаев ялгась рай-оннай художественно-самодетель-най олимпиадась лувондсы панч-фокс.

Васендакига тиенди выступле-ния Шайгавонь полнай средняй школась. Пачаев преподавательт-руководстванц вельде мокшень хорсь морси мокшень морхт, тиен-левихть физкультурнай выступле-ния, азонкшневихть мокшень, рузонь кяльса дикламацият, кш-тихть и ст. тов.

Шайгавонь полнай средняй шко-лась аделессыне эсь выступления-зон. Сонь мельганза ушедкшнихть тиендеме выступления Мьяцапи-нань и Сивинень афполнай сред-няй школанъ ученикне. Морасть струнной оркесторхт, морасть

хорхне, азондовсть дикламацият, няфнефсть всякай ладса танцт, кол-лективной налхксемат и ст. тов. Ниньга ульсь пяк цебярь и лама-выступления. Инь цебярьста, вы-ступандаманкса башка участникне казъфт.

Олимпиадась няеви, конашкат-улихть ученикненъ музыкальной-способности.

Минь ученикконья аф аныцек-маштыхть отличнайста тонафнема, но синь маштыхть культурнайста-ваймама, весяласта маштыхть йо-тафнемс стъащема пиньгснот.

Олимпиадаса номерхне ульсь аф-кальдяфт, но сонь эсонза ули пяк-оцю афсэтыкс. Тя афсэтыкссь ащи-сянь эса, што олимпиадаса мок-шень школатненъ эзда примась-участие аныцек Шайгавонь полнай-редняй школась, да и Шайгавонь-полнай средняй школанъ ученик-ненъ номерсна пцтай сембень ульсь-рузоннет, а мокшень номерда, мор-да, дикламацияда, кштимадь мо-шекс ульсь пяк и пяк аф лама.

Минь максетяма кизефкс комсо-молонь райкомть секретаренцы-Фенин ялгати и РОНО-ть заведую-щаенцы Москаев ялгати, мес-тинь ашеде старанда сянь инкса, штоба таргамс олимпиадаты мо-кшень школатненъ, коренной насе-лениянь ученикненъ. Тейнек аф-шарьхковев мес синь ашесть при-ми участие олимпиадаса. А вдь-районда мокшень афполнай сред-няй школада 4—5.

Сяда тов олимпиаданъ йотафне-м-ста тя афсэтыкссь эряви лувомс.

А. Дуйков.

ОЦЮ ТРЕБОВАНИЯТ

Республиканской читательской конференцияста

Мокшэрзянь республикаса нят-шитыненъ эзда (18-19 июн.) йотась-од читателень и од писателень-конференциясь, конац няфтезе, ко-нашкава фталот эряфть эзда минь-писателенька.

— Дайте од книгати!—писатель-хненди корхтасть делегатне, ком-сомолесне—паксянь и заводонъ-ударникне—дайте стама книгати, конатненъ эса геройхне улельхть-аф сурста потяфт. аф шуфтонъ чур-бакт, а нят тинь живой ломатъ.

Тяфтама книгась, кодама веши-читательсь, тани, особенно тани, пяк эряви. Сонь колганза лац корх-тась Дубенкань районста делегатсь-Ярославкин ялгась. Ярославкин ял-гась сд цора, велькор. Сонь сем-беда кельгемац—книгась,—содер-жательнай, подчительнай книгась. Книгась сонь вьтезе, активной вель-коронь рядтненди книгась лезды-эръ шинь работасонза.

— Мон аф келькса ся книгати, конац сьормаф цюлакста!—корх-тась Ярославкин ялгась.—А минь-мокшэрзянь писательконь ламос-на сьормадыхть пяк и пяк цюлакста. Сявомс инь сире писателеньконь-Яков Пахомыч Григошин ялгати-„Толне“ книгати. Ся книгаса ули-рассказ: „онць тараканшка, а ле-моц Кузма Трофимыч“. Вов тя рас-сказсь сьормаф пяк небрежнай.

ста и сонь эсонза кадфт нльня ста-ма валхт, бтс:

„Кузма Трофимыч судырдазе шал-хконц,—шлеберьк нолгоц...“

—Драйтя пара?—кизефнесы Ярославкин ялгась.

Виде, минь писателеньке кяльть-культуранц лангс кодамовок мяль-пцтай аф шарфнихть. Кода корх-тась читательхне, минь писа-теленьке аф кельксазь ливось-кодомс эсь произведенияснот лан-гса работамать. Синь тяшнихть-стихотвореният али рассказ, кода-пачат пицихть.

Читателень конференциясь лама-оцю требованият арафтсь Мокшэр-зянь Писателень Союзть и башка-эръ писательт инголи. Делегатне-корхтасть, што минь родной лите-ратурасонот лац апак няфтьт од-ломанць, йофси аш стахановецсь, Минь литературасонот апак няфтьт-ся одсь, ся ростсь, кона тиевсь Ве-ликой Октябрьской революцияда ме-ле. Минь улемя инь задавленной, инь отсталай национальностть. Тани-минь ули культураньке, тани минь-ули автономияньке. Тани минь ло-матъяма, кодамот Союзсонот сембе-лиятне!

Тянь сембонь нинге эряви няф-темс художественнай литератураса-минь писателеньконьди!

ПЕТР Л.

монь работазе тяда пиньниста изь-тиенде, а вов тани, кда кармань-сяда лама работнема, сяда лама и-получсян, чем кочкомса.


Сембе тя подтверждандакшнесы-не од Конституцият проектонц-12-це статьясонза указаниятненъ, ко-са азф: „кажнайтъ эзда сонь спо-собностензон коряс, кажнайти-сонь трудонц коряс“. Тянь колга-жа азф проектть и 118-це статья-сонзонга, што СССР-са трудть инк-са панневи сонь количествани и-качестванц коряс.

Пяк правильнайхть нят статьят-не. Минь странасонот тани каж-найть улихть праванза и возмож-ностенза касфнемс эсь знаниязон, кода тянь колга корхтати проектть-121-це статьясонза. Пользовандак-тя правать мархта, тонафнек тят-нолгад и работак тят нолгад, и-эста ульхть спокойнай, кармат тон-эряма зажиточнай культурнай-эряфса.

Аватъненъ политической равно-правиясна и ровнай правась алять-ненъ мархта трудть лангс соньш-по себе машфнесы авать алять-эзда зависимостени. Тярязень азон-кшнеманзон коряс и миньге рань-ше велесонот вийхца максекш-незь стирнятненъ урвакс. Аварь-дель стирнясь, афоль йора аф-кельговиньди лисемс, но мезевок

ссн тиенс немог ся, мес сон ульсь-правафтома. А моньдинь тани тяф-тама корхнематне марявихть стран-найкс, мон и афи йоранкемомдон-га, штоба монь мог кие вийхца-максомс урвакс аф кельгевиньди. Мон нльня рахамазе сай. Кие мо-жет монь вийхца максомс, кда мон-моньц велеса сембе цюратъненъ-коряс сембеда лама получандакш-нян? А разве тяфтамда мон ська-мон? Кда мон тани арьсян тумс-комбайнеркс тонафнема, то 15-монь ялгане Пермееваста молихть-трактористонь курсс. А мзярда-сизь эздост лисеньди лия велеть-ненъ эзда, а разве минь стирь-няньке аныцек трактористт?

Минь тя ши лаца валда радос-теньконь колга карматама морама,-пашкодъчнема сембе мирти, штоба-минь радостеньконь кулелезь и-сят стирнятне, конатненъ мишень-цазь и сят, конатненъ кошаресы-не вачашись мишеньдемс эсь пря-снот, штоба нят стирнятне, ку-лемок минь победнай моронькенъ, марса аляснот и тяряснот, братьяс-нот и кельгома ломаньцнот—жених-снот мархта вятельхть смертной-бой эсь хозяинцнот каршес, штоба-сатомс эсьтиест тяфтама жа пра-ват, кодапт минь, Советской Сою-зонь авать праванза. Ларина Варя-Комсомолка-трактористка Ичалкань МТС-са



Мокшэрзянь муздрамтехникумонь 1-нь курсонь отличницась Лимонки-кова рузонь кяльть коряс зачетнай испытанияса.

ВОЕННАЯ ШКОЛА КАНДИДАТОВ КОЧКАМАТ КОЛГА СПРАВОЧНЫЕ СВЕДЕНИЯ

Военная школа кандидата кочкамат
Якстерь армия командной и начальствующей состав. Тянь мархта военная школа кандидата кочкамат
Якстерь армия командной и начальствующей состав. Тянь мархта военная школа кандидата кочкамат

Комплектованная школа кандидата кочкамат
17-22 кизоса трудя одломаттень эда вербовать вельде, конатень сбразования должет улемс аф семилетка кржа.

Семилетка йомла общеобразовательная аноклафа—школатненьди аф примосевихть.

Коде правила, школатненьди за-вербованная кандидатне должет киредмс испытанья рузонь кяльса, математикаса, географияса, политграмота коряс, а артиллерийской, инженерной специальной школат-

неньди испытанья обязательна и природоуководения коряс.

На ломаттень, конат йотазь средняя школаса 8,9,10-це классень рузонь кяльса и математикаса на „хорошо“, а иляды предметнень на „посредственно“ примосевихть 3-х годичной курсти вступительной испытаньяфтома пехотной, кавалерийской и военно-хозяйственной школатненьди.

А нят, конат аделазь техникумть, полный средняя школат и теест соответствующей учебной заведени-ятнень рузонь кяльса и математи-каса на „хорошо“, а иляды пред-меттнень на „посредственно“, при-мосевихть някажа военная школат-неньди испытаньяфтома 2-х годич-ной курсти, и ляды школатненьди тяфтажа экзаменфтома, но тонаф-немань 3-х годичной курсти.

Коде школа кочкамс

Сембе школатненьди примамас-факс свободной, но требования ко-де минь-ни азоськ, примамста аф сембе школатненьди фкат.

Тя ширьде военная школатнень можнат явфтомс кафта группава:

1. Пехотной и кавалерийской школатне.

2. Артиллерийской, военно-инженерной и военно-технической школатне, конат вешихть ошо требо-ваният, особенна рузонь кяльса, ма-тематикаса и природоуководенияса.

Мекпяли, специальной (техниче-ской) школав тонафнема млить ширьде, общеобразовательная ано-клафта башка, вешеве нинге соот-ветствующей специальностень зна-комства.

Кепотьксоньди: артиллерийско-технической и оружейно-техниче-ской школатненьди васендакига при-мосевихть сят, конат знакомайхть слесарной тевть мархта, кие рабо-тасть мастерскойса.

Связистонь школатненьди кочк-севихть кандидатт, конат знакомай-хть телеграфно-телефонной тевть мархта, радио телеграфисттне и связень лия специалистне.

Военно-топографической школат-неньди эрявихть кандидатт, конат

знакомайхть чертежной инструмен-тнень мархта, конатнень улихть на-выксна рисовандамс и цебарь по-черксна.

Артиллерийской али военно ин-женерной школатненьди эряви мо-лемс математика цебарьста сода-манц мархта.

Илякс марьгомс, эряви кочкамс (выбрать) стама школа, конатцы ули аноклафце, кода сяда мала знаятнень али работацень коряс.

Но тя нинге аф сембе. Военная школатненьди тонафнема молихне должет улемс шумбрат сяс, мес военной служба башка курсантс кармай нинге тонафнема.

Школатненьди примамста тонаф-нема сайхнень йотафнесазь обяза-тельна медицинской осмотра пачк-тяка йоткса и сятненьге, конат ни лувфт годнайкс вообще военной службы, сяс мес могут улемс слу-чайхть, мзярда военной службав примамснень йоткса могут улемс аф кондяхтихть военной школаса тонафнемати.

Сембе школатнень эса тонафнихть колма кизот, военно-хозяйственной школада башка, кода тонафнихть 2 кизот.

Курсантнень материальной ширьде обеспечения

Курсантне школаса сбраченда-вихть сембе ширьде (питанияса, обмундированияса и обувяса, обще-житияса, постельной принадлежно-стьса и сембе эрявикс книгага, по-собияса).

Тяда башка получайхть эрь ко-вня жалованья: 1-це курса—30 цал-ковайхть, 2-це курса—40 цалковай-хть, 3-це курса—50 цалковайхть.

Военная школань аделайхне ча-стьс назначандамдест инголе полу-чайхть питнефтома выпускной ко-мандирской обмундирования: обувь снаряжения, постельная принадле-жность, белье, ярмакт чемаданонь рамамс и обмундирования пош-ивканьди, единовременная пособия, под'емная пособия назначендаф-должностс коря основной месяч-ной окладонь размерса.

Кепотьксоньди: лейтенант—взро-днень командирс кошти получай-оклад 425 цалковайхть, а артилле-рияса—475 цалков.

Сяда тов, определенная киза йотазь званиянц касфтомани мархта получайхть надбавкань процент основной окладонцы (за выслугу лет) тияра:

2 кизоста сямомок 5 кизоти мо-лемс стажса—5 проц, 5 кизоста сямомок 10 кизос молемс—10 проц, 10 кизоста сямомок 15 кизос молемс—15 проц, 15 кизоста сямомок 20 кизоти молемс—20 проц, 20 кизода ламоти—25 проц.

Яриаконь довольствияда башка командной и начальствующей со-ставс получай Якстерь армияса питнефтеме обмундирования, обувь и белье.

Футбол

Спартак—военвед 7:2

Июнь 23 шиня илять городской стадионца налхксть футболса „Спар-так“ обществань футбольной ко-мандасе Военведонь футбольной командат мархта. Васенце каф-таймсь аделавсь 3:1 спартаквец-нень пользас, омбоцесь 4:1 тага синь пользасот.

Налхкомась 7:2 Спартакть поль-зас.

Рабфак—Динамо 10:0

Июнь 23-це шистонза Саранс-каень стадионца налхксть футбол-са рабфаконь и Динамонь фут-больной командатне. Васенце каф-таймсь аделавсь 5:0 Динамось командат пользас. И омбоцеськя тяфтаня.

Налхкомась аделавсь 10:0 Дина-монь командат пользас.

А.



Муздрамтехникумть мархта путнеф „Евгений Онегин“ операста сценась.

Мес валхтф работаста Гаршина комсомолкась?

Рузаевка. Левжа велень „1-це май“ колхозса СТФ-нь заведующайкс-тя пиньгити самс работась Гарши-на комсомолкась, кода эсь рабо-тасонза сатс оцю сатфкст. Тялон-да Гаршина колга корхасть сем-бе колхозникне, кода цебарь ста-хановкань колга. Тянка сон мзяр-донга ашезь валгонда колхозть почетной спискстонза. Гарши-нать кельгелезь и кельксазь сембе колхозникне, кода цебарь работ-ничань.

Тяниень пиньгити Гаршина ком-сомолкат ланкс ваныхть илякс Мес? Вов мес: июнь 13-це шис-тонза иляден шовор свинарков су-вась колхозонь председателсь (сон и парторгс) Рузановсь и кар-мась СТФ-са работай стирьнятнень мельга панцемя...

Гаршинась йорась Рузановти максомда кемя комсомольской от-пор, но сонь виец ашезь сата, а-тянка сон просиндась работанц мархта. Сяка жа веста Рузановсь валхтозе работаста Гаршинать.

Минь комсомолецне седи вакса-эньелтьяма редакцияти, штоба мак-соледе тейнек лезкс тя тевть вано-маса.

Л. Антонов.

Краевой соревнованияс

Краевой отборочной соревнова-ния тнень эса участия примам-„Спартак“ обществань китьвска июнь 22-це шистонза тусть Куй-бышеву Саранскаень спартаквец-не: 6 городошникт, 7 легкой от-летт, 2 велосипедистт, тя лувксса 6 стирьнят.

С. С.

Отличникне получандасть почетной грамотат

Шайгсвань полный средняя шко-лань 6-це „б“ класса ульсть 25 ученикт. Испытания тнень кирьдезь 24 ученикт, и анышек фкя ученик ашезь йота 7-це классти, илядыхне йотафтфт.

Отличная испытания тнень мак-созь Девятайки И, Родайки Д, Королев И и Шеняев И. Ня отлич-никне получандасть почетной гра-мотат.

В. Каргин.

Сядода лама од кадрат

Июнь 30-це шистонза Саранс-каень Мокшэрзянь педагогической техникумсь нолдай 100-да лама од кадрат: учительхть и дошкольной воспитательницат. Июль 1-це шис-тонза ули тийф выпускной вечер.

Н. Атяшкин.

Васенце выпускс

Тяденень кизоня Зубунь педтех-никумса ули васенце выпускс, ко-ста нолдавихть 24 учительхть.

М. Рахманин.

Аноклайхть тонафнемань од кизоти

Тяниень пиньгити Зубунь педтех-никумса йотафневи оцю анокла-мань работа тонафнемань од кизо-ти. Ушелсть тиема штукатурка классненьди и столовайти. Техни-кумть зданиянц вакс строяви нинь-гя фкя здание, кода тонафнемань од кизоти самс ули аноклаф.

М. Рахманин.

Отв. редакторс С. С. ЛАРИОНОВ

Уполномоченный главлита № Д-287. Заказ № 2138. Тираж 2170.

Саранск типография „Красный Октябрь“ Мордман